


# 文體明辯

附錄十二




東 京 圖 書 館			
漢書門	文章類	函架	冊號
六	七	五	八
二	三	九	一



漢 書 門			
類	號	函	架
二	三	四	一
二	九	一	七
二	八	三	八

內 閣 文 庫			
漢書	類	冊	架
六	七	八	九
二	三	四	五

內 閣 文 庫			
番號	漢	6122	
冊數	78	(76)	
函號	362	30	







文體明辯附錄卷之十二

大明吳江徐師曾伯魯纂

玉牒文

按玉牒文者封禪告天之文也古者天子郊天社地望于山川而已未聞有封禪之說也管仲對齊桓謂受命封禪者七十二家而世傳禹王牒辭曰祝融司方發其英沐浴百寶生蓋後人附會之文耳世儒不察尊信其說至秦始皇遂舉行之於是封泰山禪梁父而漢武帝時司馬相如病沮死猶草遺書勸帝封禪帝令



諸儒具儀數年不就厥後兒同寬贊成之自是  
唐宋之君皆相效尤故有玉牒傳于今然其事  
不經明主所不為也今姑錄其文以備一體而  
并著其說俾致君者有考云其他冊神之文雖  
名玉冊實玉牒之類也故取以附焉

封泰山玉牒文

唐玄宗

有唐嗣天子臣某敢昭告于昊天上帝天啓李氏  
運興王德高祖太宗受命立極高宗升中六合殷  
盛中宗紹復繼體不定上帝眷祐錫臣忠武底綏  
內難推戴聖父恭承大寶十有三年欽若天意四

海晏然封祀岱嶽謝成于天子孫百祿蒼生受福

封祀玉牒文

宋真宗

維大中祥符元年歲次戊申十月戊子朔二十四  
日辛亥有宋嗣天子臣某敢昭告于昊天上帝啓  
運大同維宋受命太祖開階功成治定太宗膺圖  
重熙累盛粵維以作冲人不承列聖寅恭奉天憂  
勞聽政一紀于茲四隅來暨玄貺殊光禎符章示  
儲慶發祥清淨可致時和年豐羣生成遂爰荷顧  
懷敢忘繼志僉議大封聿伸昭事躬陟喬嶽對越  
上玄率禮祗肅備物吉蠲以仁守位以孝奉先析



福建下侑神昭德惠綏黎元懋建皇極天祿無疆  
靈休允迪萬乘其昌永保純錫

神功妙濟真君許王冊文

宋徽宗

維政和二年歲次壬辰五月丁巳朔十七日癸酉  
皇帝再拜言曰天眷用懋寵綏四方爰有至真克  
相上帝烜威赫德錫羨降康而名號弗宣曷彰報  
典迺詔有司考循祕牒發揮遺懿垂示無窮恭維  
真君躬握元圖密庸妙契繇魏迄晉嗣休炳靈賑  
乏蠲痾一方攸賴剪妖馘毒三氣獲分肆膺謀媿

之符榮啓都僊之籍超昇璇極載紀綿邈廟像屹  
崇風烈如在矧炎暉之有赫方皇運之到隆存降  
嘉祥聿彰幽贊禴禳響答民物阜寧宜極徽稱以  
昭嚴奉謹遣朝奉大夫充集賢殿脩撰知洪州軍  
州管幹學士兼管內勸農使充江南西路兵馬鈐  
轄護軍賜紫金魚袋王真上尊號曰神功妙濟真  
君洪維降鑒誕受丕章佑我無疆保茲景命俾緝  
熙於純嘏用敷錫於羣倫謹言

符命

按符命者稱述帝王受命之符也夫帝王之興



固有天命而所謂天命者實不在乎祥瑞圖讖  
之間故大電大虹白狼白魚之屬不見於經而  
見於史史其可盡信邪後世不察其偽一聞怪  
誕遂以為符而封禪以答之亦惑之甚矣自其  
說昉於管仲其事行於始皇其文肇於相如而  
千載之惑膠固而不可破於是揚雄美新班固  
典引邯鄲淳受命述相繼有作而文選遂立符  
命一類以列之夫美新之文遺穢萬世淳亦次  
之固不足道而馬班所作君子亦無取焉唯柳  
氏貞符以仁立說頗協於理然蘇長公軾猶以

為非則如斯文不作可也今以其為一體故聊  
採三首列諸此篇而并著其說庶俾馳騁文藝  
者知所懲戒不蹈劉勰勞深勳寡之誚云

封禪文

參用史記漢書文選本

漢司馬相如

史記云相如病甚武帝使所忠往求其書至則相如已卒其妻曰長卿未死時為一卷書曰有使來求書奏之忠得書以奏即此文也

伊上古之初肇自昊穹生民歷選列辟君以迄于  
秦率邇者踵武也迹遠也聽者風聲紛綸歲粃皆亂  
湮滅而不稱者不可勝數也繼昭也明夏也崇號謚  
略可道者七十有二君罔若淑而不昌疇逆失而



能存言無順善而能久存也軒轅之前遺哉邈乎其  
 詳不可得聞已五三三主六經載籍之傳維見可  
 觀也書曰元首明哉股肱良哉因斯以談君莫盛  
 於唐堯臣莫賢於后稷后稷創業於唐公劉發迹  
 於西戎文王改制爰也於周邇也至隆也大行也越也於成  
 而後陵遲衰微千載無聲無聲也豈不善始善終哉  
 然無異端慎所由於前謹遺教於後耳故軌迹夷  
 易也皆平易遵也湛沈也恩厖洪也皆大易豐也憲度  
 著明易則也垂統理順易繼也是以業隆於繼祿  
 指也成而崇冠於二后武揆厥所元也始終都也攸卒

也所終未有殊尤也異絕迹可考於今者也然猶躡梁  
 父甫音登泰山建顯號施尊名大漢之德塗涌原泉  
 沕滴音勿曼羨之意旁魄薄四塞雲布霧散上暢  
 元垓下沂八埏地天有九懷生之類霑濡浸潤協  
 氣橫流武節武威逝邇陜游原迴闊沫沫比之恩德  
 水近者游其原也首惡湮沒闇昧昭晰昆蟲閭懌樂  
 也回首面內然後囿騶虞之珍羣也麋鹿之恠  
 獸導一至六穗於庖擇嘉禾犧雙貉也共柢也本之  
 獸麟也為獲周餘放龜于岐漢得之于岐山之旁  
 招翠黃乘乘去也龍於沼鬼神接靈園名仙人賓於



間館奇物譎詭倣昔儻窮變欽哉符瑞臻茲猶以  
為德薄不敢道封禪蓋周躍魚隕航也舟休之以燎  
祭微夫斯之為符也以登介丘大山也不亦也愆乎  
進讓之道何其爽與漢言周朱可封禪而封為進於  
是大司馬進白陛下仁育羣生義征不愆也順諸夏  
樂貢百蠻執贄德侔往初功無與上休烈浹洽符  
瑞眾變之奇異期應紹至不特創見意者泰山梁父  
設壇場望幸蓋號以况也榮上帝垂恩儲祉將以  
慶成陛下謙讓而弗發也挈也絕三神地祇天之歡  
缺王道之儀羣臣恐焉或謂且天為質闇示珍符

固不可辭若然辭之是泰山靡記而梁父罔幾音冀  
也亦各並時而榮咸濟厥世而屈也絕說者尚何稱  
於後而云七十二君哉夫脩德以錫符奉符以行  
事不為進越故聖主弗替也廢而脩禮地祇謁款告  
也天神勅功中嶽以彰至尊舒盛德發號榮受厚  
福以浸黎民皇皇哉斯事天下之壯觀王者之卒  
業不可貶也願陛下全之而後因雜縉紳先生之  
略術使獲曜日月之末光絕炎也以展采也官錯音  
事猶兼正列其義被飾厥文也除舊事而作春秋  
一藝將襲舊六經為七摠也之無窮俾萬世得激



清流揚微波，蜚英聲騰茂實。前聖之所以求保鴻名而嘗為稱首者，用此宜命掌故太常官屬，悉奏其儀而覽焉。於是天子沛然之意，改容曰：俞乎！朕其試哉。乃遷思迴慮，總公卿之議，詢封禪之事。詩作澤之博，廣符瑞之富，遂作頌曰：自我天覆，雲之油油，甘露時雨，厥壤可游。滋液滲漉，何生不育。嘉穀六穗，我穡曷蕃。非唯雨之又潤，澤之非唯偏之汜。昔似布濩之萬物，熙熙懷而慕之。名山顯位，望君之來。君兮君兮，侯不邁也。哉股般同之獸，虞樂我君。囿叶羽白質黑章，其儀可喜。收收音穆穆君

予之態，蓋聞其聲，今觀其來。厥塗靡從，天瑞之徵。茲爾於舜，虞氏以興。濯濯也肥之麟，游彼靈時五時。孟冬十月，君徂郊祀，馳我君輿，帝用享社。代之前，蓋未嘗有。執反羽宛宛黃龍，興德而升采色。炫燿煥炳，輝煌正陽，顯見覺寤，黎烝於傳載之云。受命所乘，厥之有章，不必諄諄，依類託寓，諭以封巒。披執觀之，天人之際，已交。上下相發，允答聖王之德。兢兢翼翼，故曰於音興必慮，衰安必思。危是以湯武至尊，嚴不失肅，祇舜在假，典典也顧省闕遺，此之謂也。



典引并序

謂因堯典引而伸之也  
參用漢書文選本

漢班固

臣固言永平明帝十七年臣與賈逵傳毅杜矩展  
 隆節等作召詣雲龍門小黃門趙宣持秦始  
 皇帝本紀問臣等曰太史遷馬姓司下贊語中寧有  
 非邪臣等對曰此贊賈誼過秦篇言向使子嬰秦王  
 名有庸主之才僅得中佐秦之社稷未宜絕也此  
 言非是即召臣入問本聞此論非邪將見問意開  
 寤邪臣具對素聞知狀詔因曰司馬遷著書成一  
 家之言揚名後世至以身陷刑之故反微文刺譏

貶損當世非誼士也司馬相如洿汗行無節但有  
 浮華之辭不周於用至於疾病而遺忠主上求取  
 其書竟得頌迷功德言封禪事忠臣效也至是賢  
 遷遠矣臣固常伏刻誦聖論昭明好惡不遺微細  
 緣事斷義動有規矩雖仲尼之因史見意亦無以  
 加臣固被學最舊受恩浸深誠思畢力竭情昊天  
 罔極臣固頓首頓首伏惟相如封禪靡而不典揚  
 雄美新典而亡實然皆游揚後世垂為舊式臣固  
 才朽不及前人蓋詠雲門者難為音觀隨和者難  
 為珍不勝區區竊作典引一篇雖不足雍容明盛



萬分之一猶啓發憤懣覺悟童蒙光揚大漢軼聲  
前世然後退入溝壑死而不朽臣固愚戇頓首頓  
首曰

大極之元兩儀始分烟烟煜煜同氣有沈而與有  
浮而清沈浮交錯庶類混成肇命民主五德初起  
同乎草昧玄混之中踰繩越契寂寥而亡詔者系  
不得而綴也厥有氏號紹天闡繹也者莫不開  
元於太昊皇初之首上哉夏乎其書猶可得而脩  
也亞斯之世通變神化函光而未曜若失上稽乾  
則降承龍翼而炳諸典謨以冠德卓縱者莫崇乎

陶唐陶唐舍胤朱丹而禪有虞有虞亦命夏后稷契  
熙載越也成湯武股肱既周天迺歸功元首將授  
漢劉俾其承三季三季之荒末值亢龍之災孽懸  
象闇而恒文垂彝倫斁而舊章缺故先命玄聖子孔  
使綴學立制宏亮洪業表相祖宗贊揚迪詰同備  
哉粲爛真神明之式也雖臯夔衡旦密勿之輔比  
茲編矣是以高光二聖辰居其域時至氣動乃龍  
見淵躍拊翼而誅舉則威靈紛紜海內雲蒸雷動  
電燦胡胡縊王姓分不泄其誅然後欽若上下恭  
揖羣后正位度宗也有于德不德弗嗣也



淵穆之讓靡號師矢敦奮搗之容言無號令師衆  
指搗之蓋以膺當天之正統受克讓之歸運堯歸  
漢也蓄炎上德之列精蘊孔佐孔子作春秋之弘陳  
云爾洋洋乎若德帝者之上儀誥誓所不及已鋪  
也觀二代洪纖之度其蹟可探也並開迹於一簣  
同受侯甸之服奕世勤民以方伯統牧乘其命賜  
彤弧黃鉞之威用討韋顧黎崇四國之不格至於  
參五華夏京遷錦毫遂自北而南虎螭其師革滅天  
邑是故誼士偉而不敦以爲武王稱沐盡護湯  
有勳德不其然與然猶於穆猗邪詩頌翁純皦繹

以崇嚴祖考殷薦宗祀配帝發祥流慶對越天地  
者焉奕乎千載豈不克自神明哉誕略大有常審  
言行於篇籍光藻朗而不渝爾矧夫赫赫聖漢魏  
魏唐基泝測其源乃先孕虞育夏甄殷陶周然後  
宣二祖高祖之重光襲四宗世中之緝熙神靈日  
燭光被六幽仁風翔乎海表威靈行於鬼區隱亡  
迴而不泯微胡瑣而不頤言邪惡必滅故夫顯定  
三才昭登之績匪堯不興鋪聞遺策在下之訓匪  
漢不弘厥道至於經緯乾坤出入三光外運渾元  
內露豪同芒性類循理品物咸亨其已久矣盛哉



皇家帝世德臣列辟功君百主榮鏡宇宙尊亡與  
 元乃始虔鞏固也勞謙兢兢業業貶成抑定不敢論  
 制作至於遷正黜色賓監之事謂改正朔易服色也  
 渙揚寓內而禮官儒林屯衆也朋篤論之士而不傳  
 祖宗之髣髴雖云優慎無乃蕙與於是三事嶽牧  
 之寮僉爾而進曰陛下仰監唐典中述祖則俯蹈  
 宗軌躬奉天經惇睦辯章之化洽巡撫靖黎蒸懷  
 保鰥寡之惠浹燔祭也瘞祭也縣沈祭也肅祇羣神之  
 禮備是以來儀鳳也集羽族於觀魏皆關也肉角麟也馴  
 毛宗於外園擾馴也緇文皓質騶也於郊升黃輝采鱗

黃於沼甘露宵零於豐草三足鳥也軒翥於茂樹若  
 乃嘉穀靈草奇獸神禽應圖合謀窮祥極瑞者朝  
 夕坳牧日月邦畿卓犖乎方州洋溢乎要荒昔姬  
 周有素雉朱鳥玄秬黃蓂之事耳君臣動色左右  
 相趨濟濟翼翼我我如也蓋用昭明寅畏承聿懷  
 之福亦以寵靈文武貽燕後昆覆以懿鑠豈其為  
 身而有顯專也辭也若然受乏亦宜勤思也慤陳也力  
 以充厥道啓恭館之金騰御東序之祕寶以流其  
 古夫圖書亮章天哲也孔猷先命聖孚也體行德  
 本正性也逢吉丁辰景命也順命以創制定性以



和神答靈天地之繁祉效唐之明文茲事  
體大而允寤寐次於聖心瞻前顧後豈蔑清廟憚  
勅夫乎伊考自遂古乃降戾也爰茲作者七十有  
四人有不俾而假素罔光度而遺章言有不使其  
竹素之文者無光揚法度今其如台我而獨闕也  
而棄其文章不封禪者也也是時聖上固已垂精游神包舉藝文屢訪羣儒諭  
咨故老與之乎斟酌道德之淵源肴藪讀作仁義  
之林藪以望元符之臻焉既感羣后之謹辭又悉  
經五繇音宙之碩慮矣將紆續萬嗣揚洪輝奮  
景炎扇遺風播芳烈久而愈新用而不竭汪注乎

丕夫之大律其疇能亘竟之哉唐也哉皇也哉皇也  
哉唐哉言堯漢

貞符并序此篇言仁為受命之正符以破前代符瑞之感  
唐柳宗元

負罪臣宗元惶恐言臣所貶州流人吳武陵為臣  
言董仲舒對三代受命之符誠然非邪臣曰非也  
何獨仲舒爾自司馬相如劉向揚雄班彪彪子固  
皆沿襲咄咄推古瑞物以配受命其言類淫巫瞽  
史誑亂後代不足以知聖人立極之本顯至德揚  
大功甚失厥趣臣為尚書郎時嘗著貞符言唐宗



正德受命於生人之意，累積厚久，宜享于無極之義。本未閑闕，會貶逐中，輟不克備。究武陵即叩頭，邀臣此大事，不宜以辱。故休缺俗缺使聖王之典，不立無以抑詭類。拔正道表，覈萬代臣，不勝奮激。即具為書，念終泯沒，蠻夷不聞于時，猶不為也。苟一明大道，施于人世，死無所憾，用是自決。臣宗元稽首拜手，以聞。曰：

孰稱古初，朴蒙空侗，而無爭厥流，以訛越乃奮。敎古奪字，鬪怒振動，專肆為淫威。曰：是不知道，惟人之初，揔揔而生，林林而羣。雪霜風雨，雷雹暴其外，於

是乃知架巢空穴，挽章木取皮革，饑渴牝牡之欲，毆其內。於是乃知噬禽獸咀果穀，合偶而居，交焉而爭，睽焉而鬪。力大者搏齒利者齧，爪剛者決羣，衆者軋兵良者殺，披披藉藉，草野塗血。然後強有力者出而治之，往往為曹於險阻，用號令起而君臣什伍之法立。德紹者嗣道怠者奪，於是聖人焉。曰：黃帝遊其兵車，交貫乎其內。三統類齊，制量然猶太公之道不克建，於是有聖人焉。曰：堯置州牧四岳，持而綱之。立有德有功者，參而維之。渾管窠指屈伸把握，莫不統率。堯年老舉聖人而



禪焉末公乃克建由是觀之厥初固匪極亂而後  
稍可為也非德不樹故仲尼叙書於堯曰克明峻  
德於舜曰濟哲文明於禹曰文命祗承于帝於湯  
曰克寬克仁彰信兆民於武王曰有道曾孫稽揆  
典誓貞哉惟茲德實受命之符以莫求祀後之妖  
淫囂昏好恠之徒乃始陳大電大虹玄鳥巨跡白  
狼白魚流火之鳥以為符斯皆詭譎閑誕其可羞  
也而莫知本于厥貞漢用末度克懷于有垓登覽  
庸能濯痼煦寒以瘳以熙茲其為符也而其妄臣  
乃下取虺蛇上引天光推類號休用夸誣于無知

張增以騶虞神鼎者歐縱更勉強俾東之泰山石  
間作大號謂之封禪皆尚書所無有秦述承效卒  
奮驚逆其後有賢帝曰光武克綏天下復承舊物  
猶崇赤伏以玷厥德魏晉而下尤亂鉤裂厥符不  
負邦用不靖亦罔克久駁乎無以議為也積大亂  
至于隋氏環四海以為鼎跨九垓以為鑪爨以毒  
燎煽以虐焰其人沸湧灼爛號呼騰蹈莫有救止  
於是大聖乃起丕降霖雨滂滌盪沃蒸為清氣疏  
為冷風人乃溍然休然相睎以生相持以成相彌  
以寧致斷屠剔膏流節離之禍不作而人乃克完

太平御覽卷之... 命... 十四



平舒愉其肌膚以達于夷途焚圻抵荷奔走轉  
死之害不作而人乃克鳩類集族歌舞悅懌用祇  
于元德徒奮袒呼搞迎義旅謹動不合至于靡下  
大盜豪據阻命遏德義威殄戮咸墜厥緒無劉于  
虐人乃並受依嘉去隋氏克歸于唐躑躅謳歌灑  
灑和寧帝庸威栗惟人之為敬奠厥賦積藏于下  
是謂豐國鄉為義廩斂發謹飭歲丁大侵入以有  
年簡干厥刑不殘而懲是謂嚴威小屬而支大生  
而擎愷悌祇敬用底于治凡其所欲不謁而獲凡  
其所惡不祈而息四夷稽服不作兵革不竭貨力

丕揚于後嗣用垂于帝式于聖濟厥治孝仁平寬  
惟祖之則澤久而逾深仁增而益高人之戴唐求  
求無窮是故受命不于天于其人休符不于祥于  
其仁惟人之仁匪祥于天匪祥于天茲惟貞符哉  
未有喪仁而久者也未有恃祥而壽者也商之王  
以絜穀昌以雉雉大宋之君以法星壽期以龍衰  
魯以麟弱白雉亡漢黃犀死秦惡在其為符也不  
勝唐德之代光紹明濬深鴻龐大保人斯無疆宜  
薦于郊廟文之雅詩祇告于德之休帝曰謚哉乃  
黜休祥之奏究貞符之奧思德之所未大求仁之



所未備以極于邦治以敬于人事其詩曰  
於穆敬德黎人皇之惟貞厥符浩浩將之仁函于  
膚乃莫畢屠澤燭于纓灑同炎以澣殄厥凶德乃  
歐乃夷懿其休風是煦是吹父子熙熙相寧以嬉  
賦徹而藏厚我糗糒刑輕以清我肌靡傷貽我子  
孫百代是康十聖嗣于治仁后之子子思孝父易  
患于已拱之戴之神具爾宜載揚于雅承天之嘏  
味之誠神宜鑒于仁神之曷依宜仁之歸濮洽極  
地于北祝栗北極地各于南心反幅員西東祇一乃心  
祀唐之紀叶未詳或後天罔墜叶未詳或祝皇之

壽與地咸久曷從祝之心誠篤之神協人同道以  
告音之俾彌億萬年不震不危我代之延求永毗  
之仁增以崇曷不爾思有號于天僉曰嗚呼咨爾  
皇靈無替厥符  
表本

按表本者宋時天子告祭先帝先后之詞也古  
者郊禘宗廟陵寢之祭僅用冊文祝文至宋始  
加表文呼為表本雖曰事死如事生而禮則瀆  
矣今以其為一體也故亦錄焉

乾元節謝內中真宗皇帝表



宋歐陽脩

伏以佳名著節載誕紀辰永惟涼眇之躬獲荷顯  
休之業動遵聖訓期保慶基怵惕之懷孝思罔極  
先夫節奏告仁宗皇帝表

宋王安石

伏以金氣御時商聲應律仰閱火流之速俯沾露  
降之凄伏惟仁宗皇帝功協聖謀道侔乾則垂至  
仁而不冒慶實無窮感素節以深追悲何有極  
冬至節上南京鴻慶官等諸帝表

宋王安石

伏以子位杓回黃宮氣應既兆天正之始方扶陽  
律之微恭惟尊號皇帝體道邁仁膺時建極豫游  
所次館御如存撫時序之變更仰威神而感惻

南郊禮畢福寧殿奏謝英宗皇帝表

宋王安石

伏以膺命紹休諏時協吉告潔粢於廟室奠嘉玉  
於郊丘雖祇奉聖謨獲無疆之慶賴而深追神眷  
重罔極之哀摧

為將來禘享禮畢奏謝諸寺院神御表

宋歐陽脩



伏以茲者祇率孝心躬脩合祭潔精誠而是薦蒙  
顧享之來臨惟慈聖之降休俾眇冲之成禮敢忘  
勵翼永荷基圖

為將來禘祭禮畢奏謝永安陵宣祖等處表

宋歐陽脩

伏以恭承先烈獲守慶基式因冬物之有成載肅  
廟容而合食上繫不貳克展孝思是惟感慕之誠  
益勵祇寅之志

八月一日永昭陵仁宗旦表

宋王安石

伏以暑往御時宵中應律載班秋朔申薦廟嘗伏  
惟尊謚皇帝體道乘乾施仁應物率土方涵於聖  
化賓天遽愴於神遊追龍駕於空衢莫知所稅瞻  
鳥耘之新隴但有至懷

冬至節上諸皇后陵表

宋王安石

伏以四時交御一氣潛萌慶雖屬於履長悲豈忘  
於追慕恭惟尊謚皇后升儷尊極協成休明德範  
有詔方美王睢之摯容衣木閔尚瞻禴翟之華永  
想光靈詎勝摧感



口宣

按口宣者君諭臣之詞也古者天子有命于其臣則使使者傳言若春秋內外傳所載諭告之詞是已未有撰為儷語使人宣于其第者也宋人始為之則待下之禮愈隆而詞臣之撰著愈繁矣蓋諭告之變體也今採數首以備一體云  
賜文武百官文彥博已下於錫慶院罷散乾元節道場酒果兼教坊樂口宣

宋歐陽脩

卿等協德同寅愛君盡禮因誕彌之紀節申祝頌

之常儀宜示宴私用彰優寵

賜宰臣陳執中生口禮物口宣

宋歐陽脩

有勅卿為時柱石秉國鈞衡爰逢慶育之辰宜有便蕃之錫豈唯故事式示眷懷今差卿男將作監丞世儒賜卿生日禮物想宜知悉

賜太師文彥博生日禮物口宣

宋蘇軾

有勅卿勲在廟社名聞華夷允儲河嶽之靈宜享喬松之壽往頒寵數以慶佳辰



賜新除宰臣富弼赴闕茶藥口宣

宋歐陽脩

卿祇若新恩式趨近甸炎敲方鬱衝冒良勤宜有  
頒宣用伸眷遇

賜觀文殿大學士尚書左僕射富弼赴闕茶

藥口宣

宋王安石

有勅卿久辭劇位外寄方州惟召節之既嚴想朝  
旂之甚邇宜頒珍劑以諭至懷

宣召曾公亮口宣

宋歐陽脩

有勅卿自辭職禁林班條近輔休有政績播于民

聲既簡求於予衷裨召還其舊物矧爾材望著于  
搢紳豈唯潤色之文方佇論思之益

賜召學士馮京入院口宣

宋王安石

有勅卿文備國華學該世務祥琴既御吉服以朝  
宜復禁塗往供辭職

賜皇伯祖威德軍節度使榮國公承亮加恩

口宣

宋王安石

有勅朕躬率百辟襄封萬靈乃眷親賢實陪大事  
當懋寵嘉之數以昭褒錫之恩



賜皇弟華原郡王允良感德軍節度使允初  
讓恩命第二表不允斷來章批答口宣

宋歐陽脩

卿以宗支之賢陪廟祀之重均茲慶典遠述讓誠  
命出已行理難中止所宜祇受以副予懷

賜新除建雄軍節度使殿前都指揮使許懷  
德讓恩命第二表不允斷來章批答口宣

宋歐陽脩

卿夙推材武久擁節旄俾易名藩用伸優遇無煩  
固避往服新恩

賜正議大夫同知樞密院事安燾乞外郡不  
允斷來章批答口宣 宋蘇軾

有勅卿職在樞要表儀百官進當以禮退當以義

今茲求退其義安在亟還視事毋復固辭

撫問雄州白溝驛賜北朝賀正旦人使御筵

宋王安石

有勅卿等並膺朝選實構鄰歡擁節在疆方豫稱  
觴之禮馳軺諭指姑推折俎之恩

宣答

按宣答者羣臣奉奉慶賀而禮官宣制以答之



也先期詞臣撰詞以授禮官禮官習之至日宣示以見君臣同慶之意蓋雖繁文而義則美矣今制亦用之而詞皆兩句尤為古雅又著之儀注無臨時改撰肄習之勞豈不度越前代哉今姑錄宋人之作以備一體

宣答文武百寮稱賀宣德門肆赦

宋王安石

有制朕升禋泰時登就吉儀駐蹕端門布宣惠澤臣鄰協豫黎庶交欣賴天之休與卿等內外同慶宣答文武百寮稱賀南郊禮畢

宋王安石

有制朕裸獻清廟燎禋泰壇協相祀儀既嘉勤績旅陳賀禮彌見歡誠賴天之休與卿等內外同慶宣答樞密使以下賀南郊禮畢

宋王安石

有制朕親稱幣玉祇見郊官能底熙成實繇顯相羣靈率籲黎獻交欣朕賴天之休與卿等內外同慶

致辭

按致辭者表之餘也其原起於越臣祝其生而



後世因之凡朝廷有大慶賀臣下各撰表文書  
之簡牘以進而明廷之宣揚宮壺之贊頌又不  
可缺故節略表語而為之辭觀宋文鑑以此雜  
於表中蓋可知已今之祝贊即其制也故採之  
以備一體

祝越王句辭二章 越文種

越王既滅吳霸諸侯置酒文臺羣臣為樂大夫種進祝酒其辭曰

皇天祐助我王受福叶筆良臣集謀我王之德示  
廟輔欽鬼神承翼君不忘臣臣盡其力上夫蒼蒼  
不可掩塞觴酒二升萬福無極

我王仁賢懷道抱德滅讎破吳不忘返國賞無所  
後羣邪杜塞君臣同和福祐千億觴酒二升萬歲  
難極

內宴請上壽酒辭 唐杜牧

具官臣某等言伏惟聖敬文思和武光孝皇帝陛  
下天覆地容堯仁舜孝四海波靜三春物華故於  
彤庭大開錫宴竊以三事太僚百司庶府願持玉  
卮上千萬壽未敢專擅伏俟德音輕瀆宸嚴無任  
戰越之至

內宴畢殿前謝辭 唐杜牧

文選月華卷二



具官臣某等言。違日正麗，廣場洞開。張仙樂者三  
千餘人，列正羞者二十六豆。酒傾瑤巵，食置雕盤。  
列圭組以成行，酌金罍以爲勞。屬饜而止，飽德以  
歸。既醉太平之風，共樂仁壽之域。千年一遇，百辟  
同歡。臣等備位台司，親逢聖日，歡呼抃躍，不能自  
勝。

內中御侍已下賀皇帝乾元節詞語

宋歐陽脩

妾等言。正陽旅月，式符誕聖之期。令節稱觴，共獻  
無疆之壽。伏惟尊號皇帝陛下，法堯聰睿，躬禹儉

勤厚德，浸於黎元至仁，同於覆載。舟車所及，聲教  
咸均。罄茲率土之瀆，共効南山之祝。妾等欣逢嘉  
會，獲待嚴宸，敢望清光，恭陳善頌。無任歌時樂聖  
歡呼激切之至。

內中御侍已下賀皇帝年節詞語

宋歐陽脩

妾等言。伏以堯官謹曆，萬物惟新。夏數得矣，四時  
以正。恭惟尊號皇帝陛下，睿明稟哲，慈儉保邦。正  
朔頒行，極舟車之所至。仁恩慈溥，及順天地以  
發生。妾等忝備掖庭，獲瞻黼座。順三微之首月，祝



萬壽於無疆

內中御侍已下賀皇帝冬至致辭

宋蘇軾

伏以日合天統時推建子之正律中黃鐘氣驗微陽之應德施自上惠均於民伏惟皇帝陛下道配皇王化行東夏觀其來復見乎天地之心靜以無為待此陰陽之定雲物告瑞官聲協和豈唯至治之祥自得上天之祐一人有慶萬壽無疆妾等蒙被天光叨塵婦職敢獻如山之祝庶同率土之歡

內中御侍已下賀太皇太后冬至致辭

宋蘇軾

伏以書奏清臺驗曆象之邃密日移黃道迎化國之舒長宸宇和平宮闈歡豫恭惟太皇太后陛下教隆陰禮位正坤儀嗣太任之徽音道光千古衣明德之太練儉化六宮體柔靜以臨朝配清明而燭物慶雲可望共占至治之祥彤史何知莫贊無為之德妾等猥參女職仰奉慈顏因來復之一陽祝無疆之萬壽

內中御侍已下賀皇太后冬至致辭

宋蘇軾



伏以矇眊奏功，驗入和於緹室。日官占物，效歲美於黃雲。慶自官庭，澤均海宇。恭惟皇太后殿下輔佐，內治儀刑王家，推美國風，夙茂周南之化。考祥義易，共成乾厚之功。方迎日於三微，敢稱觴於萬壽。豈獨官闈之願，實同中外之躋。妾等猥以微軀，被蒙慈愷，仰獻岡陵之祝，庶殫草木之誠。

開封府羣見致辭

宋林希

臣希等伏以聖人在上，首善始於京師。天下脩文貢士，興於明敎。此乃伏遇尊號皇帝陛下，仰稽古道，下育人材。發明詔於多方，命興賢於列郡。臣等

繆當詔旨，輒與能書。雖為草野之臣，得奉天庭之貢。

祝辭

按祝辭者，頌禱之詞也。諸集不載，而世所傳獨有淨髮醮音悔也。面祝詞，苟推其類，則凡喜慶皆可為之。不特施之二事而已。故錄而著之。

皇子晬日淨髮祝詞

毛

帝祉儲休，皇圖增永。熊夢占筮，簞之祥燕。棋襲弓矢之慶，維時百子來侈。千齡標日月，以含粹。推山河而赫靈，當令節之首辰。及季夏之初吉，協紀



年林鐘朔律是日也驪回萬乘喜動六宮九羽肅  
而駐鳳六飛止而綏龍嬪嬙在御保傅有儀沐蘭  
湯而寶鏐運勺麝丸而紺髮飛祝爾德兮令問祝  
爾善兮宜君燕兄弟兮本支百世元君親兮壽考  
萬年

桃花礦面祝辭

北齊婦崔氏

取紅花取白雪與兒洗面作光悅取白雪取紅花  
與兒洗面作光華取雪白取花紅與兒洗面作顏  
容

貼子詞

按貼子詞者官中粘貼之詞也古無此體不知  
起於何時第見宋時每遇令節則命詞臣撰詞  
以進而粘諸閣中之戶壁以迎吉祥觀其詞乃  
五七言絕句詩而各宮多寡不同蓋視其宮之  
廣狹而為之抑亦以多寡為等差也然此乃時  
俗鄙事似不足以煩詞臣而宋人尚之豈所謂  
聲容過盛之一端歟今姑採錄以備一體

春貼子詞

宋歐陽脩

皇帝閣六首

萌芽資暖律養育本仁心顧彼蒼生意安知帝力



深フ陽進テ升リ君子ヲ陰消シ退ル小人ヲ聖君南面シ治ム布政ヲ教ヲ作ス  
 法ニ新春ニ  
 氣候三陽始シ句萌萬物ヲ新雷聲初發シ號シ天下已知ル  
 春ヲ玉瑄氣來テ交リ已動シ東郊風至テ曉先迎ツ乾坤有信如シ  
 符契草木無知シ但發生ス  
 朝雲藹藹弄シ春暉萬木欣欣シ暖尚微シ造化未嘗私シ  
 一物各隨テ妍醜ヲ自芳菲ニ  
 熙熙人物樂シ春臺風送春ヲ從天上來ル玉輦經年不レ

遊幸上林花好莫爭開

皇后閣五首

御水冰銷綠シ宮梅雪壓シ新年賀ス交ス康一作泰白日ヲ  
 漸舒長シ  
 藹藹珠簾日溶溶碧瓦烟漪連シ采行水和暖浴ス龍ヲ  
 天ヲ初欣綵勝迎春ニ早已覺シ雞人報漏ヲ遲シ風色結寒猶シ  
 料峭天光煦物已融怡シ  
 鷺寒未報シ宮花發風暖還催臘雪銷シ欲識春來自ル  
 何處先從天上斗回杓ヲ



三辰明潤璇璣運，四氣均調玉燭光。共喜新年獻椒酒，唯將萬壽祝君王。

溫成皇后仁宗貴閣四首

璩作窗珠戶暖生烟，不覺新春換故年。衆卉爭妍競時態，却尋遺跡獨依然。

寶奩香歇掩鉛華，舊閣春歸老監嗟。畫棟重來當日燕，玉欄猶發去年花。

椒壁輕寒轉曉暉，珠簾不動暖風微。可憐春色來依舊，唯有餘香散不歸。

內助從來上所嘉，新春不忍見新花。君王念舊憐

遺族常使無權保厥家。

夫人閣五首

太史頒時令，農家候土牛。青林自花發，黃屋為民

憂。

元會千官集，新春萬物同。測圭知日永，占歲喜時

豐。

黃金未變千絲柳，白日初遲百刻香。聖主本無聲色感，官花不用妬新粧。

微風池沼輕澌漾，旭日樓臺瑞靄浮。四海懽聲歌帝澤，萬家春色滿皇州。



元祐二年春帖

玉殿籤聲玉漏催，綵花金勝巧先裁。宿雲容與朝暉麗，共喜春隨曙色來。  
仁宗開行舉首見御閣貼子讀而愛之問何人作左右以公對命悉取皇后夫人諸閣中者閱之見其篇篇有意歎曰舉筆不心規諫真侍從之臣也

元祐三年春帖子詞

宋蘇軾

皇帝閣六首

藹藹龍旂色，琅琅木鐸音。敷行寬大詔，四海發生心。  
賜谷賓初日，清臺告協風。願如風有信，長與日俱中。

草木漸知春，萌芽處處新。從今八十歲，合抱是靈椿。

聖主憂民未解顏，天教瑞雪報豐年。蒼龍掛闕農祥正，父老相呼看籍田。

昨夜東風入律新，玉關知有受降人。聖恩與解河湟凍，得共中原草木春。

翰林職在明光裏，行樂詩成拜舞中。不待驚開小桃杏，始知天子是天公。

太皇太后閣六首

琬刻春何力，欣榮物自知。發生雖有象，覆載本無



私  
小殿黃金榜朱簾白玉鈞一聲雙日蹕春色滿皇  
州  
伏下春朝散宮中晝漏稀兩廂休待衛應下讀書  
帷  
五日占雲十日風憂懃終歲為三農春來有喜何  
人見好學神孫類祖宗  
共道十年無臘雪且欣三白壓春田盡驅南畝扶  
犁手稍發中都朽貫錢  
不獨清心能省事應緣克己自消兵傳聞塞外千

君長欲趁新年賀太平  
皇太后閣六首  
寶冊瓊瑤重新庭松桂香雪消春未動碧瓦麗朝  
陽  
瑞日明天仗仙雲擁壽山倚欄春晝永金母在久  
間  
朝罷金鋪掩人閑寶瑟塵欲知慈儉德書史樂青  
春  
仙家日月本長閑送臘迎春豈亦然翠管銀罌傳  
故事金花綵勝作新年



彤史年來不絕書，三朝德化婦成姑。宮中侍女減珠翠，雪裏貧民得袴襦。邊庭無事羽書稀，閑遣詞臣進小詩。共助至尊歌喜事，今年春日得春衣。

阜太妃閣五首

葦排猶在戶，椒柏已稱觴。歲美風先應，朝回日漸長。

甲觀開千柱，飛樓擢九層。雪殘烏鵲喜，翔舞下觚稜。

孝心日奉東朝養，儉德應師大練風。太史新年瞻

錦氣四星明潤紫宮中

九門挂月未催班，清禁風和玉漏閑。崇慶早朝銀燭下，珮環聲在五雲間。

東風弱柳萬絲垂，的皪殘梅尚一枝。繭館乍欣蠶浴後，禡壇猶記燕來時。

夫人閣四首

綵勝鏤新語，酥槃滴小詩。昇平多樂事，應許外庭知。

細雨曉風柔，春聲入御溝。已漂新荇沒，猶帶斷冰流。



扶桑初日映簾屏，已覺銅餅暖不冰。七種共挑人日菜，千枝先剪上元燈。雪消鴛瓦已流澌，風暖犀盤尚鎮帷。縹緲紫簫明月下，壁門桂影夜參差。

端午貼子詞

宋歐陽脩

皇帝閣六首

天清槐露浥歲熟麥風涼。五日標佳節，千齡獻壽觴。午位星杓正，人間令節同。四時和王燭，萬物被薰風。

舜舞來遐俗，堯仁浹九區。五兵消以德，何用赤靈符。楚國因讒逐，屈原終身無。復入君門願，因角黍詢遺俗。可鑒前王惑，巧言嘉辰共喜沐。蘭湯毒沴何須採，艾襖但得臯夔調。鼎鼎自然災，侵變休祥炎暉流。爍蕙風薰草木蕃，滋德澤均畜藥蠲痾。雖故事使民無疾，乃深仁。

皇后閣五首

畫扇催迎暑，靈符喜辟邪。風光麗宮禁，時節重仙



家

椒塗承茂渥，嬪壺範柔儀。更以親蠶繭，紉為續命絲。

覆檻午陰黃，鳥囀烘簾曉。日絳榴繁，六宮綵縷爭。新巧共續千齡奉，至尊

紫蘭浙浙光，風轉綠葉陰。陰禁苑涼，天子萬機多。暇日喜逢嘉節，奉瑤觴。

五色雙絲獻女功，多因荆楚記遺風。聖君照物同天鑒，不用紅心百鍊銅。

溫成皇后閣四首

密葉花成子，新巢燕引雛。君心多感舊，誰獻辟兵符。

旭日映簾生，流暉權艷明。紅顏易零落，何異此花榮。

綵縷誰云能續命，玉奩空自鎖遺香。白頭舊監悲時節，珠閣無人夏日長。

依依節物舊年光，人去花開益可傷。聖主聰明無色感，不須西國返魂香。

夫人閣五首

梅黃初過雨，麥實已登秋。避暑有多佳，賞皇歡奉豫。



遊  
 鳴蜩驚早夏，鬪草及良辰。共薦菖蒲酒，君主壽萬  
 春。  
 楚俗傳筒黍，江人喜競船。深宮亦行樂，綵索續長  
 年。  
 涼生玉宇來，風細日永金徒報。漏稀皎潔冰壺清，  
 水殿三千爭捧赭黃衣。  
 仙盤冷泛銀河露，紈扇香搖綠蕙風。禁掖自應無  
 暑氣，瑤臺金闕水精宮。

元祐三年端午貼子詞

皇帝閣六首

宋蘇軾

盛德初融，後潛陰未。姤時侍臣占易象，明兩作重  
 離。  
 採秀擷羣芳，爭儲百藥。良太醫初薦艾，庶草驗蕃  
 昌。  
 微涼生殿閣，習習滿皇都。試問吾民愠，南風為解  
 無。  
 西檻新來玉宇風，侍臣茗盃得雍容。庭槐似識天  
 顏喜，舞破清陰作兩龍。



講餘交翟轉回廊始覺深宮夏日長揚子江心空  
百鍊只將無逸鑑興亡  
一扇清風灑面寒應緣飛白在冰紈坐知四海蒙  
膏澤沐浴君主德似蘭

太皇太后閣六首

漸臺通翠浪暑殿轉清風簾捲東朝散金烏未遽  
中

日永蠶收簇風高麥上場朝來籍田令菰黍獻時  
芳  
舞羽諸羌伏銷兵萬彙蘇只應黃紙誥便是赤靈

符

令節陳詩歲歲新從臣何以壽吾君願儲醫國三  
年艾不作沈湘九辯文

忠臣諒節今千歲孝女孤風滿四方不復平陽占  
郢夢空餘仲御扣河章

長養恩深動植均只憂貪吏尚殘民外廷已拜象  
羨賜應助吾君去不仁

皇太后閣六首

露簟琴書冷瑠槃餐餌新深宮猶畏日應念暑者耘  
人



萬壽苜蒲酒千金琥珀盃年年行樂處新月掛池臺

翠筒初室棟薌黍復纏菰水殿開冰鑑瓊漿凍玉壺

祕殿扶疎夏木深雨餘初有一蟬吟應將羸女乘鸞扇更助南風長棘心

上林珍木暗池臺蜀產吳包萬里來不獨槃中見盧橘時於糶裏得楊梅

閔楚遺風萬古情湘沅舊俗到今明翠輿黃繖何時幸畫鷁飛鳧盡日橫

皇太妃閣五首

午景廉櫳靜薰風草木酣誰知恭儉德綵縷出親蠶

兩細方梅夏風高已麥秋應憐百花盡綠葉暗紅榴

辟兵已佩靈符小續命仍縈綵縷長不為祈禳得天助要隨風俗樂時康

玉盆沈李灑清泉金鴨噓空裏細煙自有梧楸郭畏日仍欣麥黍報豐年

良辰樂事古難同繡繭朱絲奉兩宮仁孝自應禳



文體明苑卷十一 不見子詩

百診艾人桃印本無功

夫人閣四首

蕭蕭槐庭午沈沈玉漏稀  
皇恩樂佳節闢草得珠璣

節物荆吳舊嬉游禁掖閑  
仙風隨書筭拜賜落人間

五綵縈筒秫稻香千門結艾  
鬢髯張旋開寶典尋風物要及靈辰共袂襍

欲曉銅餅下井欄鏗鏗金殿發清寒  
似聞入世南風熱日上墻東問幾年

附錄卷之十二終

慈心字一見

